

primjernih ovom lokalitetu i njegovim klimatskim uslovima ili betonskim elementima dizajniranim i postavljenim na način primjeren planinskom ambijentu.

Kod izvođenja pješačkih tokova, i pored pravilonijskih trasa iste širine na grafičkim priložima nivelacije, potrebno je drveće koje se nađe na rubovima staze sačuvati na račun izvođenja uže staze, s tim da staza ne smije biti uža 1,5 m, odnosno 2 m za dio koji se odnosi na stazu uz saobraćajnicu na istočnoj strani obuhvata Plana.

Definisanje vrste položenja treba biti sastavni dio tehničke dokumentacije uređenja prirodnog krajolika.

Član 9.

Elementi mobilijara (klupe, odmorišta, korpe za otpatke, elementi trim poligona, rasvjetna tijela i sl.) i vizuelnih komunikacija, moraju biti usklađeni u pogledu dizajna i materijalizacije za cijelo područje obuhvaćeno granicom Plana. Za izradu istih obavezna je primjena prirodnih materijala i dizajn koji je primjeren planinskom području u kome se nalazi.

Definisanje navedenih elemenata mobilijara i vizuelnih komunikacija treba biti sastavni dio tehničke dokumentacije uređenja prirodnog krajolika.

Član 10.

U području obuhvaćenom granicom Plana u kojem nije predviđena izgradnja građevina, odnosno zadržava se postojeći prirodni krajolik - šuma, ne može se vršiti sječa drveća.

Šumu treba metodom prorjeđivanja od niskog rastinja učiniti prohodnom za svakodnevne posjetioce, odnosno na ovaj način trasirati pješačke ili trim staze. Staze trasirati u skladu sa topografijom terena te urediti isključivo prirodnim materijalima (malč, ostaci drveta i sl.). Trasiranje staza kroz šumu vršiće se po principu da ni jedno drvo ne smije biti posječeno te da se ne smiju uklanjati rijetke ili zaštićene vrste.

U ovom dijelu obuhvata Plana predviđena je mogućnost izgradnja adrenalinskog parka i prostora za igru i zabavu djece usklađenim sa ambijentom u kome se nalazi. Nakon realizacije građevina predviđenih Planom, u cilju unaprjeđenja krajolika, odnosno ponovne sadnje vegetacije, moraju se saditi samo autohtone vrste ovog područja na način koji ostavlja dojam prirodnog postojanja. Predmetni prostor ne može se uređivati po parkovskom sistemu.

Naveden o ovom članu biće obrađeno tehničkom dokumentacijom uređenja prirodnog krajolika.

Član 11.

Izgradnja objekata privremenog karaktera može se odobriti isključivo za potrebe gradilišta, a u skladu sa članom 77. Zakona o prostornom uređenju Kantona Sarajevo ("Službene novine Kantona Sarajevo", broj 07/05).

Na parcelama nije dozvoljena izgradnja pomoćnih objekata.

Član 12.

Iz funkcionalnih razloga može se dozvoliti ograđivanje sportskih terena. Ograde moraju biti od transparentnog materijala, a materijalizacija i boja ograde mora biti prilagođena ambijentu u kome se nalazi. Preporučuje se primjena mobilnih ograda gdje god funkcija centra to dozvoljava. Ograđivanje pojedinačnih građevina ne može se odobriti, kao ni ograđivanje cjelokupnog kompleksa.

Član 13.

Saobraćajne površine, površine za parkiranje i garažiranje vozila utvrđene su Planom - faza Idejno rješenje saobraćaja sa nivelacijom.

Opremanje prostora komunalnom i elektonergetskom infrastrukturom predmet je posebnih pojedinačnih faza Plana urađenih na način koji će omogućiti potpunu zaštitu prirodne sredine.

Član 14.

Uslovi za sklanjanje stanovništva i materijalnih dobara moraju biti obezbjeđeni u skladu sa odredbama Zakona o zaštiti i

spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Član 15.

Ova Odluka stupa na snagu danom objave na oglasnoj tabli Općine Trnovo, a naknadno će se objaviti u "Službenim novinama Kantona Sarajevo".

Broj 01-02-4050/17  
29. decembra 2017. godine  
Trnovo

Predsjedavajuća  
Općinskog vijeća Trnovo  
**Emina Mehmedagić**, s. r.

Odluka objavljena na oglasnoj ploči Općine Trnovo dana 29.12.2017. godine.

Na osnovu člana 14. i 24. Statuta Općine Trnovo ("Službene novine Kantona Sarajevo" broj 12/08) i Općinsko vijeće Trnovo, na 10. sjednici održanoj 28.12.2017. godine, donosi

**ODLUKU**

**O PRISTUPANJU IZRADI STRATEGIJE ODRŽIVOG  
RAZVOJA OPĆINE TRNOVO ZA PERIOD  
2018-2022. GODINA**

**I**

Ovom odlukom pristupa se izradi "Strategije održivog razvoja općine Trnovo za period 2018-2022" godina.

**II**

Općinsko vijeće će imenovati Komisiju za izradu "Strategije održivog razvoja Općine Trnovo za period 2018-2022. godina.

**III**

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-4053/17  
29. decembra 2017. godine  
Trnovo

Predsjedavajuća  
Općinskog vijeća Trnovo  
**Emina Mehmedagić**, s. r.

Odluka objavljena na oglasnoj ploči općine Trnovo dana 29.12.2017. godine.

Na osnovu člana 14. i 24. Statuta Općine Trnovo ("Službene novine Kantona Sarajevo", broj 12/08), i člana 28 stav 3 Poslovnika o radu Općinskog vijeća ("Službene novine Kantona Sarajevo", broj 12/08 i 36/08), Općinsko vijeće Trnovo, na 10. Sjednici održanoj 28.12.2017. godine, donijelo je

**ODLUKU**

**O IMENOVANJU KOMISIJE ZA IZRADU STRATEGIJE  
ODRŽIVOG RAZVOJA OPĆINE TRNOVO ZA PERIOD  
2018-2022**

**1. OPĆE ODREDBE**

Član 1.

Ovom Odlukom imenuje se Komisija za izradu Strategije održivog razvoja Općine Trnovo za period 2018-2022. godina, određuje njen sastav, mandat, zadaci, način rada i odgovornosti.

**2. SASTAV KOMISIJE**

Član 2.

U komisiju za izradu Strategije održivog razvoja Općine Trnovo za period 2018-2022 godina, imenuju se:

1. Emina Mehmedagić, predsjednica
2. Selim Hamzić, zamjenik predsjednika
3. Haris Pindžo, sekretar i koordinator
4. Osman Smječanin, član
5. Esad Velić, član
6. Mešić Mirsad, član
7. Amra Mehmedagić, član

8. Anel Durmo, član
9. Adis Hodžić, član
10. Demo Mehmedagić, član
11. Dževad Terović, član
12. Meho Krupalija, član

Član 3.

Po ukazanoj potrebi Komisija će u svoj rad uključiti i druga fizička i pravna lica vezano za oblast o kojoj raspravlja.

Član 4.

Za tehničku pripremu rada komisije, tehničku pripremu i obradu prikupljenih podataka zadužuje se radna grupa u sastavu:

1. Nađa Zengin Dreca
2. Ajla Mulaosmanović
3. Bajro Lindov
4. Šeherzada Šorlija
5. Elmir Šehović

3. MANDAT

Član 5.

Mandat članova komisije traje do dana usvajanja Strategije održivog razvoja Općine Trnovo za period 2018-2022. godine.

4. ZADACI KOMISIJE

Član 6.

Zadaci komisije za izradu Strategije održivog razvoja općine Trnovo za period 2018-2022. godina su:

- a) Da izvrši analizu realiziranih stateških ciljeva i projekata Strategije razvoja Općine Trnovo za period 2012-2016 godina.
- b) Da izvrši analizu stanja u oblastima koju će obuhvatiti Strategija održivog razvoja Općina Trnovo za period 2018-2022 godina.
- c) Da definiše viziju i misiju Strategije održivog razvoja Općine Trnovo za period 2018-2022 godina.
- d) Pripremi strateške ciljeve i prijedloge koji će biti obuhvaćeni Strategijom održivog razvoja Općine Trnovo za period 2018-2022 godina.
- e) Da izradi nacrt Strategije održivog razvoja Općine Trnovo za period 2018-2022 godina.

5. NAČIN RADA

Član 7.

Predsjednik Komisije saziva sve sastanke, organizira ih i vodi po potrebi.

Član 8.

Sekretar Komisije obavlja stručne i administrativne poslove za potrebe Komisije. Bilješke i zaključke sa konkretnim zaduženjima dostavlja svim članovima Komisije.

Član 9.

Članovi Komisije dostavljaju bilješke sa sastanaka Komisije svojim organizacijama, udruženjima, mjesnim zajednicama i raspravljaju o njima.

6. ODGOVORNOST

Član 10.

Članovi Komisije su obavezni djelovati u najboljem dugoročnom interesu Općine Trnovo i građana prije svakog drugog interesa (političkog, religioznog i sl.).

Član 11.

Komisija je obavezna izvještavati Općinsko vijeće o realizaciji Strategije održivog razvoja Općina Trnovo za period 2018 -2022. godina.

7. ZAVRŠNE ODREDBE

Član 12.

Odluka stupa na snagu danom objave na oglasnoj ploči Općine Trnovo a naknadno će se objaviti u ("Službenim novinama Kantona Sarajevo").

Broj 01-02-4054/17  
29. decembra 2017. godine  
Trnovo

Predsjedavajuća  
Općinskog vijeća Trnovo  
**Emina Mehmedagić, s. r.**

Odluka objavljena na oglasnoj ploči Općine Trnovo dana 29. decembra 2017. godine

**FEDERALNI ZAVOD ZA STATISTIKU  
SAOPĆENJE**

**O PROSJEČNOJ ISPLAĆENOJ MJESEČNOJ NETO  
PLAĆI ZAPOSLENIH U KANTONU SARAJEVO ZA  
NOVEMBAR/STUDENI 2017. GODINE**

1. Prosječna isplaćena mjesečna neto plaća po zaposlenom ostvarena u Kantonu Sarajevo za novembar/studeni 2017. godine iznosi 1.062 KM.

Broj 4  
11. januara 2018. godine

Direktor  
Doc. dr. **Emir Kremić, s. r.**

**SLUŽBENE OBJAVE**

**UDRUŽENJA**

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "Zlatni kist", Ministarstvo pravde i uprave donosi

**RJEŠENJE**

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje "Zlatni kist". Skraćeni naziv je: Zlatni kist, sa sjedištem u Sarajevu, ulica ANDREJA ANDREJEVIĆA broj 136.
2. Upis je izvršen pod registarskim brojem 2307. knjiga V registra udruženja, dana 27.12.2017. godine.
3. Programski ciljevi i zadaci Udruženja su: provoditi terapijsko-kreativni program za osobe sa invaliditetom, kao i za sve ostale osobe koje žele da kroz edukaciju i druženje iskažu svoj talent; razvijati i njegovati međusobnu solidarnost među članovima i ostalim; okupljati djecu, mlade i odrasle građane u cilju socijalizacije, druženja i razmjene iskustava kroz rad; organizirati kreativne radionice - varijante decoupage; organizirati takmičenja sa srodnim udruženjima; organizirati prigodne izložbe; organizirati bazar, sajmove; izgrađivati i poticati na očuvanje životne sredine; razvijati kreativnost i kulturu; doprinijeti svojim djelima izgledu naselja, mjesta stanovanja; saradivati s drugim istovrsnim udruženjima i organizacijama; da razvija afirmaciju okupacione terapije u lokalnoj zajednici kao i na nivou općine i grada; obavljati i druge poslove koji doprinose ostvarivanju ciljeva utvrđenih Statutom.
4. Osoba ovlaštena za zastupanje i predstavljanje je: Elma Tabaković - predsjednik Udruženja.

Broj 03-03-05-17092/17  
27. decembra 2017. godine  
Sarajevo

Ministar  
**Mario Nenadić, s. r.**